

КЕЛІСЕМІН

Алматы облысы
прокуратурасының қылмыстық
қудалау басқармасының аға
прокуроры
Исимбеков З.Н.
2022 жыл 31 қаңтар

ҚАУЛЫ

күдіктінің іс-әрекеттерін саралау туралы

Талдықорған қаласы

2022 жыл 31 қаңтар

МТЖТ-ның мүшесі – Алматы облысы прокуратурасының арнайы прокурорлар басқармасы бастығының орынбасары Калибеков А.С., №221900032000013 сотқа дейінгі тергеп-тексерудің материалдарын қарап,

АНЫҚТАДЫМ:

Алматы облысы, Ақсу ауданының тумасы, Алматы қаласының тұрғыны, бұрын сотты болған, 03.07.1972 ж.т. Алиаскаров Бауржан Токтарбекович қоғамдық қауіпсіздікке және қоғамдық тәртіпке қарсы ауыр қылмыстық құқық бұзушылықты келесі жағдайда жасаған:

Атап айтқанда, 04.01.2022 жылы сағат 12.00 шамасында Б.Т.Алиаскаров Алматы қаласынан Талдықорған қаласына такси жалдап шыққан. Содан жолда келе жатып, ол өзінің қолдануындағы «Самсунг» маркалы телефонындағы 8-747-985-89-74 байланыс номері тіркелген «WhatsApp» қосымшасы арқылы «Класстастар» тобына аудиохабарлама жолдаған, яғни ол Ақсу ауданы, Сарқан қаласы және Қапал, Арасан, Қызылту, Жансүгіров, Қаракөз, Сағабүйен, Қызылағаш ауылдарының тұрғындарын митингке шығару мақсатында, 05.01.2022 жылы сағат 14.00-де Талдықорған қаласы, Еркін ауылы, Автобазада жиналуга шақырған.

Қазақстан Республикасының аумағында 05.01.2022 жылғы 12 сағат 30 минуттан бастап №727 енгізілген төтенше жағдай жарияланған үкім жарлығына қарамастан, Б.Т.Алиаскаровтың жаппай тәртіпсіздікке қатысуға қылмыстық ойы туган.

05.01.2022 жылы сағат 14.00-де Б.Т.Алиаскаровтың ұйымдастыруымен Талдықорған қаласы, Еркін ауылы, Автобазада белгісіз адамдар тобы жиналған. Содан олар Б.Т.Алиаскаровтың бастамасы негізінде, Талдықорған қаласының орталық алаңына аттанған. Орталық алаңда қоғамдық қауіпсіздік пен қоғамдық тәртіпті қамтамасыз етуде өздерінің қызметтік міндеттерін атқарып жүрген полиция қызметкерлеріне қарсылық көрсету мақсатында, Б.Т.Алиаскаров және белгісіз адамдар тобы Талдықорған қаласының орталық алаңына жетпей, Абылайхан-Назарбаев көшелерінің қиылысынан тастар алған.

Содан Б.Т.Алиаскаровтың ұйымдастыруымен жиналған белгісіз адамдар тобы қирату, өртеу, бұзу, мүліктерді жою түріндегі қылмыстық іс-әрекеттерін жүзеге асыру үшін, орталық алаңда қалқандарын көтеріп, бір қатарда қоғамдық қауіпсіздік пен қоғамдық тәртіпті қамтамасыз етуде өздерінің қызметтік міндеттерін атқарып тұрған полиция қызметкерлері мен әскерлерге тас лақтырып, қарсылық көрсеткен. Алған дене жарақаттарынан билік өкілдері қызметтік міндеттерін тиісінше атқара алмай, нәтижесінде белгісіз адамдар орталық алаңға өткен.

Ары қарай Б.Т.Алиаскаров Талдықорған қаласының орталық алаңында бола тұра, белгісіз адамдар тобымен билік өкілдеріне қарсылық көрсету мақсатында, жерден тергеумен анықталмаған тас алған. Ары қарай ол күш қолдану, қирату және мүлікті жоюға бағытталған қылмыстық іс-әрекетін іске асыру үшін, Талдықорған қаласының орталық алаңында қоғамдық қауіпсіздік пен қоғамдық тәртіпті қамтамасыз етуде өздерінің қызметтік міндеттерін атқарып жүрген полиция қызметкерлеріне және олардың «КАМАЗ» маркалы сумен ататын қызметтік автокөліктеріне кемінде 2 мәрте қасақана тас лақтырып, қарсылық көрсеткен.

Осымен тоқтамай, Б.Т.Алиаскаров қылмыстық ниетімен тергеумен анықталмаған сыбайластарының Алматы облысы әкімдігін қирату, өртеу, бұзу, мүліктерін жою түріндегі қылмыстық іс-әрекеттерін іске асыру үшін кедергілерді жоюға көмектескен. Ол үшін Б.Т.Алиаскаров аталған мекемені қорғап, қалқандарын көтеріп, бір қатарда өздерінің қызметтік міндеттерін атқарып тұрған полиция қызметкерлері мен әскерлерді қолындағы тергеумен анықталмаған қасқамен кемінде 2 мәрте соққы жасаған. Алған дене жарақаттарынан билік өкілдері Алматы облысы әкімдігін қорғай алмай, нәтижесінде белгісіз адамдар әкімдікті бұзып кіріп, ішін қиратып, мүліктерін жойып өртеген.

Осылайша, Алматы облысы, Ақсу ауданының тумасы, Алматы қаласының тұрғыны, Алиаскаров Бауржан Токтарбекович, өзінің іс-әрекеттерімен күш қолданумен, қиратумен, бұзумен, мүлікті жоюмен, сондай-ақ билік өкіліне қарулы қарсылық көрсетумен ұласқан жаппай тәртіпсіздікке қатысу, яғни Қазақстан Республикасы қылмыстық Кодексі 272-бабының 2-бөлігінде көзделген қылмыстық құқық бұзушылықты жасаған.

Ары қарай, Б.Т.Алиаскаров Талдықорған қаласының орталық алаңында бола тұра, Талдықорған қаласының Полиция басқармасында қамауда отырған адамдарды босату үшін митингке шыққан халықты билік өкілдерінің заңды талаптарына белсенді түрде бағынбауға және жаппай тәртіпсіздікке шақырған. Өзінің қылмыстық ойын жүзеге асыру мақсатында, Б.Т.Алиаскаров орталық алаңда жаппай тәртіпсіздікке қатысқан адамдарды Талдықорған қаласы, Абай көшесі №249 мекен-жайы бойынша орналасқан Талдықорған қаласының Полиция басқармасына баруға шақырған.

Содан алдын ала сөз байласқан белгісіз адамдар тобы, Б.Т.Алиаскаровтың ұйымдастыруы және шақыруы бойынша қалалық Полиция басқармасына барып, аталған мекемені қиратып, өртеп, бұзып, мүліктерін жойған.

Осылайша, Алматы облысы, Ақсу ауданының тумасы, Алматы қаласының тұрғыны, Алиаскаров Бауржан Токтарбекович, өзінің іс-әрекеттерімен билік өкілдерінің заңды талаптарына белсенді түрде бағынбауға және жаппай тәртіпсіздікке шақыру, яғни Қазақстан Республикасы қылмыстық Кодексі 272-бабының 3-бөлігінде көзделген қылмыстық құқық бұзушылықты жасаған.

Жоғарыда аталғандардың негізінде, ҚР ҚПК-нің 60, 198, 203, 204-баптарын басшылыққа ала отырып,

ҚАУЛЫ ЕТтім:

1. Осы қылмыстық іс бойынша күдікті Алиаскаров Бауржан Токтарбекович, 03.07.1972 ж.т., Алматы облысы, Ақсу ауданында туып-өскен әрекеттерін ҚР ҚПК-нің 272-бабының 2 және 3-бөлігі бойынша саралауды.

2. Осы қаулы көшірмесін қадағалаушы прокурорға жолдауды.

3. Қабылданған шешім туралы мүдделі тұлғаларға хабарлауды.

МТЖТ-ның мүшесі – Алматы облысы прокуратурасының арнайы прокурорлар басқармасы бастығының орынбасары

Калибеков А.С.

ҚР ҚПК-нің 64-баптарына күдіктінің мынадай құқықтары түсіндірілді:

1) ұстап алуға жүзеге асырған адамнан өзіне тиесілі құқықтар туралы түсіндірме алуға; 2) өзіне не үшін күдік келтірілгенін білуге; 3) өз бетінше немесе өзінің туыстары немесе сенім білдірген адамдары арқылы қорғаушы шақыруға құқылы. Егер қорғаушыны күдікті, оның туыстары немесе сенім білдірген тұлғалары шақырмаса, қылмыстық қудалау органы ҚПК-нің 67-бабының үшінші бөлігінде көзделген тәртіппен қорғаушының қатысуын қамтамасыз етуге міндетті; 4) іс бойынша азаматтық талап қойылуына байланысты өзін азаматтық жауапкер деп таныған жағдайда оның құқықтарын пайдалануға; 5) таңдаған немесе тағайындалған қорғаушысымен, оның ішінде жауап алу басталғанға дейін оңаша және құпия кездесуге; 6) күдікті қорғаушыдан бас тартқан жағдайларды қоспағанда, қорғаушысы қатысып отырған кезде ғана айғақ беруге; 7) күдікті, азаматтық жауапкер деп тану туралы, іс-әрекетін саралау туралы қаулылардың, ұстап алу хаттамасының, бұлтартпау шарасын таңдау және оның мерзімін ұзарту туралы өтінішхаттың және қаулының, қылмыстық істі тоқтату туралы қаулының көшірмелерін алуға; 8) айғақ беруден бас тартуға; 9) сотқа дейінгі тергеп-тексеруді жүзеге асыратын адамнан кепіл түріндегі бұлтартпау шарасын және күзетпен ұстауға байланысты емес басқа шараларды қолдану тәртібі мен шарттары туралы түсіндірме алуға; 10) дәлелдемелерді ұсынуға; 11) өтінішхатты, оның ішінде қауіпсіздік шараларын қолдану туралы өтінішхатты және қарсылық білдірулерді мәлімдеуге; 12) ана тілінде немесе өзі білетін тілде айғақ беруге; 13) аудармашының тегін көмегін пайдалануға; 13-1) өзіне қатысты сотқа дейінгі пробацияны жүргізу үшін пробация қызметіне жүгінуге; 14) өз өтінішхаты бойынша немесе қорғаушысының не заңды өкілінің өтінішхаты бойынша жүргізілетін тергеу әрекеттеріне қылмыстық қудалау органының рұқсатымен қатысуға; 15) заңда көзделген жағдайларда, оның ішінде медиация тәртібімен жәбірленушімен татуласуға; 16) тергеп-тексерудің кез келген сатысында жазалаудың түрі мен шарасы туралы өз ұсыныстарын баяндай отырып, прокурорға процесстік келісім жасасу



туралы өтінішхат мәлімдеуге не оны жасасуға келісім білдіруге және процестік келісімді жасасуға; 17) өзінің қатысуымен жүргізілген тергеу әрекеттерінің хаттамаларымен танысуға және хаттамаларға ескертулер беруге; 18) тергеушінің, анықтаушының, прокурордың және соттың әрекеттеріне (әрекетсіздігіне) және шешімдеріне шағым келтіруге; 19) өзінің құқықтары мен заңды мүдделерін заңға қайшы келмейтін өзге де тәсілдермен қорғауға; 20) сараптама тағайындалған және жүргізілген кезде, сондай-ақ өзіне сарапшының қорытындысы ұсынылған кезде ҚПК-нің 274, 286-баптарында көзделген әрекеттерді жүзеге асыруға; 21) тергеп-тексеру аяқталғаннан кейін осы Кодексте белгіленген тәртіппен іс материалдарымен танысуға және одан, мемлекеттік құпияларды немесе заңмен қорғалатын өзге де құпияны құрайтын мәліметтерді қоспағанда, кез келген мәліметтерді көшіріп алуға, сондай-ақ ғылыми-техникалық құралдарды пайдалана отырып, олардың көшірмелерін түсіруге; 22) қылмыстық қудалауды тоқтатуға қарсылық білдіруге; 23) жасырын тергеу әрекеттеріне қатысты мәселелерді қоспағанда, өзінің құқықтары мен заңды мүдделерін қозғайтын процестік шешімдердің қабылданғаны туралы өзін қылмыстық процесті жүргізетін органның кейінге қалдырмай хабардар етуіне, сондай-ақ олардың көшірмелерін алуға; 24) өзіне қарсы айғақ берген куәден қосымша жауап алу туралы, өзі көрсеткен адамдарды куә ретінде шақыру және олардан жауап алу, олармен беттестіру туралы өтінішхат беруге құқылы.

ҚР ҚПК 206 бабына сәйкес осы қаулы маған жарияланды, күдіктінің мәні және күдіктінің құқықтары түсіндірілді. Қаулының көшірмесін алдым.

Күдікті:

Алиаскаров Б.Т.

Қаулы күдікті Алиаскаров Б.Т. 2022 жылғы «31» қаңтарда № 6 қорғау хабарламасын ұсынған қорғаушы Жамбулбаев Е.К. қатысуымен жарияланды.

Қаулымен таныстырылды:

Күдікті:

31.01.2022

Алиаскаров Б.Т.

Қорғаушы:

31.01.2022

Жамбулбаев Е.К.


Қаулыны жарияланды:

МТЖТ-ның мүшесі – Алматы облысы прокуратурасының арнайы прокурорлар басқармасы бастығының орынбасары

Калибеков А.С.



QR-код ЭЦК қойылған PDF форматтағы электрондық құжаттың хэш сәмбасын қамтиды



QR-код қол қойған тұлғаның ЭЦК туралы деректерін, лауазымын, мемлекеттік органның атауын, құжатқа қол қойған күнді мен уақытты қамтиды